



Broj : Pk-2/2017

Sarajevo, 27.01.2017. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
n/r Predsjedateljice Skupštine Kantona Sarajevo

Bosna i Hercegovina
Federacija Bosne i Hercegovine
KANTON SARAJEVO

27-01-2017			
011	05	35214/16	16

PREDMET: Odgovor na zastupničko pitanje, dostavlja se

Pravobranilaštvu Kantona Sarajevo je dostavljen Vaš akt broj 01-05-35214/16 od 30.12.2016. godine kojim se traži dostavljanje odgovora u pisanom obliku na zastupničko pitanje Semira Halilovića, zastupnika u Skupštini Kantona Sarajevo, a koje u cijelosti glasi:

"Kada se očekuje isplata obaveza po tužbama zaposlenika za koje su sredstva planirana Budžetom za 2016. godinu i da li će isplatom biti obuhvaćeni svi koji su potpisali sporazume kojim se odriču zakonskih kamata, a predali su svu potrebnu dokumentaciju po ovogodišnjem javnom pozivu Ministarstvu finansija?"

U prilogu Vašeg akta dostavljeno je u fotokopiji zastupničko pitanje zastupnika u Skupštini Kantona Sarajevo od 28.12.2016. godine.

U odnosu na postavljeno zastupničko pitanje Pravobranilaštvo Kantona Sarajevo u skladu sa odredbom člana 219. Poslovnika Skupštine Kantona Sarajevo Pravobranilaštvo dostavlja sljedeći

ODGOVOR

Pravobranilaštvo Kantona Sarajevo nema utjecaja na način planiranja visine sredstava budžeta Kantona Sarajevo za izvršenja sudskih rješenja o izvršenju ili isplate po presudama i tužbama zaposlenika (vansudskim nagodbama), te također isto tako nema utjecaja na dinamiku isplate i realizacije sredstava iz budžeta Kantona Sarajevo po ovom osnovu, pa konkretno u vezi postavljenog upita i ne može dati adekvatan odgovor.

U skladu sa pozivom Vlade Kantona Sarajevo od 16.09.2016. godine za zaključenje vansudskih nagodbi ovaj organ je do dana 31.12.2016. godine obradio i dao mišljenje na sve dostavljene Anexe Ugovora o vansudskoj nagodbi (broj protokola od 293 do 517) kao i na Ugovore o vansudskoj nagodbi (broj protokola od 518 do 900), te je iste dostavio Ministarstvu finansija Kantona Sarajevo na dalje nadležno postupanje.



Dakle Pravobranilaštvo Kantona Sarajevo je u navedenom postupku po javnom pozivu Vlade Kantona Sarajevo na dostavljene prijedloge ugovora isključivo davalo prethodno pravno mišljenje na zaključenje istih te su dostavljeni ugovori sa pratećom dokumentacijom i datim mišljenjem proslijeđeni Ministarstvu finansija na dalje postupanje. Prema tome Pravobranilaštvo Kantona Sarajevo nema stvarne nadležnosti u vezi isplata po osnovu zaključenih (Anexa) Ugovora o vansudskoj nagodbi obzirom da je za isto zaduženo Ministarstvo finansija Kantona Sarajevo.

Pravobranilaštvo Kantona Sarajevo ovim putem skreće posebnu pažnju na dužnost Kantona Sarajevo da u budžetu za 2017. godinu mora predvidjeti najmanje 0,3% ukupno planiranih prihoda u budžetu, te da je ova obaveza definisana Zakonom izmjenama i dopunama Zakona o izvršnom postupku Federacije BiH ("Službene novine Federacije BiH", broj 46/16).

Naime, izvršenim dopunama Zakona o izvršnom postupku F BiH u članu 138. dodaje se novi stav 6.) koji glasi: „Svi nivoi vlasti u Federaciji Bosne i Hercegovine (Federacija, kanton, grad i općina) koji imaju izvršne sudske presude dužni su u svojim budžetima predvidjeti sredstva za isplatu sudskih izvršnih rješenja na teret tih budžeta u iznosu najmanje 0,3% ukupno planiranih prihoda u budžetu.“

Prema tome obaveza Kantona Sarajevo jeste da na teret sredstava budžeta isplati sudska izvršna rješenja o izvršenju na način i u proceduri kako je to propisano Zakonom o izvršnom postupku Federacije BiH, prema evidenciji redosljeda pristiglih rješenja o izvršenju koja se vodi kod Union bank d.d. Sarajevo, a sve u visini koja ne može biti manja od 0,3% ukupno planiranih prihoda u budžetu.

Navedena sredstva se ne mogu i ne smiju odnositi na zaključenje ugovora o vansudskoj nagodbi, nego isključivo na rješenja o izvršenju kako ista glase (u najvećem broju slučajeva sa zakonskim zateznim kamatama) koja je sud dostavio banci na provođenje u skladu sa Zakonom o izvršnom postupku F BiH.

Pravilno imenovani zastupnik zapaža da postoji opravdana bojazan da će zaposlenici odustati od potpisanih sporazuma i tražiti isplatu kompletnog iznosa sa zakonskim zateznim kamatama, a što će dovesti do štetnih posljedica po Kanton Sarajevo, te u ovom pravcu ovaj organ sugerira da se prilikom rebalansa budžeta Kantona Sarajevo za 2017. pored obaveze planiranja sredstava za isplatu sudskih izvršnih rješenja u visini od najmanje 0,3% ukupno planiranih prihoda u budžetu, planiraju i sredstva za isplate po tužbama i presudama odnosno dostavljenim vansudskim nagodbama i to u što je moguće većem novčanom iznosu.

Ovo iz razloga jer prema evidenciji ovog organa ukupna vrijednost dostavljenih ugovora o vansudskoj nagodbi po pozivu Vlade Kantona Sarajevo iz 2016. godine za zaposlenike koji su po prvi put podnijeli prijedlog za zaključenje vansudske nagodbe iznosi cca 14 miliona KM (bez zakonskih zateznih kamata). Ukoliko bi kojim slučajem isti odustali od potpisanih ugovora o vansudskoj nagodbi, ovaj iznos bi uvećan za zakonske zatezne kamate bio preko 20 miliona KM.

Prema tome ukoliko bi Kanton Sarajevo u budžetu za 2017. godinu obezbijedio sredstva za isplatu dostavljenih ugovora o vansudskoj nagodbi, time bi se spriječile eventualne štetne posljedice i u značajnoj mjeri doprinijelo zaštiti imovinskih interesa Kantona Sarajevo.

Za sve druge informacije stojimo Vam na raspolaganju.

S poštovanjem,

PRAVOBRANILAC KANTONA SARAJEVA

Kemal Karić

